

畫緣詩稿

雪爪水影錄

次東居士題



序一

詩學雖曰雕蟲小技。曾見譏於壯夫。然究有六義存焉。故宣聖之所以刪詩而訓鯉學詩。此詩學之見重於世也。朋矣。兄發乎情止乎禮義。詩教也。是之謂情。乃家國廣義之情。非兒女狹義之情。然則禮義之謂。顧亦遠且大矣。不觀乎鼓吹人權。諷刺奸惡。喚起人民之獨立思想。促進人民之國家觀念。皆爲充乎四海之道。是其大也。至如寄感慨於吟咏。寓暇情於倚聲。痛家國之日非。傷斯文之淪落。是其次也。尙有旣無病而呻吟。復自矜爲風雅。斯爲下也。今夏雲間顧子盡緣。屢因雪瓜水影錄詩集。簡余。命爲之序。辭不得獲。若欲以仲小海。但願人生一世。留得

幾行筆墨。被人指摘。便是大福分人。不然。草亡木卒。誰則知之。而誰議之。題商寶意詩集而題之。則非余之本意也。吾聞賢者識其大者。不賢者識其小者。倘有執干戈以衛國。爲壇坫之雄。歲寒松柏。余願盡緣之能事。其大者而捨其小者也。故樂爲之序。

歲次甲戌冬古吳飄零客序於青島天涯樓

序二

顧生盡緣。不知始究何名。亦已忘何時從予遊。予頻年旅居滬上。盡緣近以雪爪水影錄徵序於予。予性疏慵。學殖久荒落。以盡緣督之過甚。乃勉爲之。予念雪爪水影四字。寓有虛無縹緲

之意。錄中不論爲詩文。爲書畫。與盡緣之名。似皆非青年人所宜出此。不知盡緣處境何若。遭遇有失意否。然而不問處境之窮通。遭遇之泰否。總以及時奮志。不墜青雲爲務。予嘗有書責之。盡緣亦自知消極之非。謂將幡然改圖。究心實學。以期有用於世也。予感盡緣之能受教。爰樂爲之序。並以覘其後。

民國二十三年冬金山楊世恩序於滬西潘園之叢綠軒

序三

怡情悅性。固才士之雅懷。慷慨激昂。亦壯夫之吐屬。莫謂詩乃小技。要皆繫乎心聲。傳千百里之遙情。須廿八字之短句。友朋韻事。前輩風流。盡緣顧君。忽枉近著。一編在手。萬緒銷胸。雖聲

歎未親。已心期若接。裁雲作句。鏤雪成篇。錄以雪爪水影爲名。
詩有慨古感今之致。洵出世之高製。超羣之逸響也。乃者文通
才多。筆花競放。子山年少。辭麗偏工。陣馬風檣。擅八叉之敏捷。
懷鉛握槧。具七步之才華。祧宋宗唐。韻溫頴李。桃花人面。杜樊
川感舊之吟。荊棘銅駝。屈靈均言憂之什。記香草以寄素思。對
落花而喚奈何。况復名士工愁。騷人善怨。傷人間兮何世。歎吾
道之日非。獄興三字之殘。豺狼當道。豈燃一家之內。蚌鷁互爭。
值茲北胡凌侵。猶是東窗密議。棋成危局。心最難平。禍起攻奸。
口總宜閉。遂爾憤無可雪。紙上談兵。願未能酬。牕前試劍。浩然
有補天之志。巍乎具沐日之思。阮藉猖狂。本是傷時而流涕。鄭

繁豪咏。豈同無病以呻吟。搜長吉之囊。抗漁洋之作。士衡文富。君苗之筆硯該焚。少陵詞高。文昌之膏密宜副。辭寄芷蘭之怨。調協九歌。言尋茯苓之餐。口香三日。韻逞霸王之雄健。句溢孝穆之豔華。君誠天半之朱霞。歲寒之松柏矣。僕未攻經史。略解推敲。人海浮沉。才因興盡。天涯浪跡。感逐愁來。旣叨同社之交。更承夫壻之命。用敢才慚柳絮。亦草墨首之云題。還冀道合木瓜。願引明珠之見寄。

北平徐瑩序

自序

夫作詩之道。雖三百篇發其端。迨後則莫不源同派異。有唐一

代樹幟成家者。如青蓮之瀟灑拔俗。子美之錘鍊精純。退之之勁峭。義山之綺麗。夢得之醇澹。應物之自然。均有偏長。各成派別。而後之人。則往往入主出奴。橫加是非。宗李而輕杜。是韓而非李。或專尚堆砌。自窒性靈。或忽於格律。不成音調。流弊所在。失之於偏。此實古來詩學之一大厄也。而余則於詩。既未辨音韻。僅略解推敲。故對於各家詩學。更安肯下井天之可否哉。間有巴人之唱。亦不過遇一事。逢一境。以耳目之所接。寫胸襟之偶感。不計工拙。聊以自遣。顧時作時焚。數年來積稿猶盈寸。其中雖乏驚人之作。然自信得句。尙不同孟浩然之兩眉脫盡。王摩詰之走入甕中。孜孜以苦吟爲樂也。今春解凡兄等羣以積

稿付印相促。余初因覆瓿之物。期期自以爲不可。至夏茂陵病體瘦減沈腰。屈大夫澤畔行吟。恐難支幾多歲月。思之不覺慄然而懼。悄然而悲。嗚呼。天地之大。人同一粟。三十年前。固未嘗有我也。三十年後。或亦如風捲殘葉。未容有我在也。春夢了時。到頭都幻。更無所謂我。無所謂人。世間事物。徒留雪泥鴻爪。供後人之想像而已。是則余書之行。正欲賴此爲巧取豪奪名利之徒。作當頭之棒喝耳。謹以雪爪水影四字命名。願普天下恆河沙數衆生。凡事不妨盡作如是觀。是爲序。

民國二十三年冬梨魂後身題於醉花樓

松江唯一刊物

大光明報

言論公正
消息靈通
排印精美
定價低廉

確是地方服務業務的報紙
社址：松江西門外黑魚弄底
電話：第四百零五號
歡迎定閱

介紹名醫周小光啓事

介紹人

顧盡緣 俞維賡 徐尚達 吳達時 顧涼潔 莊仲子 汪雙修 徐唯我

青浦周小光先生精岐黃術
問世十載餘活人無算為人
治病審理精細宅心仁厚一
掃時下積習盡緣等知之有
素用特一言為介庶病家可
得問津焉周小光先生常住
青浦章練塘鎮中市

題詩

常熟徐枕亞

君家有個顧炎武。老髦才成一部書。欲出風頭趁年少。強爺勝祖語非虛。

大雅輪方待爾扶。新詩字字走盤珠。一編聲重鷄林價。應歎騷人興不孤。

委員題句中央貴。鉅子書簽南社光。我恨頭銜無字寫。遂將聾啞有心裝。

才調翩翩孰等倫。如何認我作師尊。懇君勾却青藍誼。折殺區區是太冤。

蘇州樊驥才

吟來定不讓前賢。數到雲間說盡緣。腕底應翻新格調。子才風度筆珠圓。

人生百歲亦蜉蝣。何必終朝身世愁。莫把詩歌稱小技。也堪一卷足千秋。

北平徐錚女士

思潮陸海并潘江。彩筆如君鼎可扛。刮目何須三日看。新詩讀罷望風降。

常熟花病鶴

縫雲裁月製新詞。天與生花筆一枝。我爇瓣香甘下拜。家風猶

擅虎頭痴。

松江顧立權

亭林家學有源淵。三絕門風海內傳。才調如君冠我輩。雪泥鴻爪賦新篇。

金山錢雙杲

我愛君家弟與兄。令兄尙白才亦挺拔。姍姍詩骨兩多情。飄花斷梗尋常甚。一入吟囊便不平。

古華張可公

新詩一卷出新裁。不負當前黃菊杯。留得少年鴻爪影。好留住佳話讀書堆。

鎮江孔醉花

詩才骨格兩清奇。文字應酬句亦宜。放誕風流灑落處。性靈一片正來時。

雪爪成篇弱冠年。懷才不遇總堪憐。寄情聲色尋常事。調也香奩筆也椽。

詩人間散懶如鷗。百首新成傲五侯。預卜天機陶寫日。胸襟道學遜三籌。

潦倒心情強自寬。長沙身世夢難安。五車書恨空吟讀。贏得詩人一味寒。

金山彭天龍

君詩如古松。絕俗出林表。又如秋楓葉。經霜色逾老。我詩主清新。喜爾亦同道。相期共勉之。爲君題雪爪。

當塗汪雙修女史

物外想豐姿。吟名比愷之。篇篇冰雪質。句句筆花時。千里我遙賞。百年誰不知。天才君卓絕。雪爪賦新詩。

金山王傑士

雪爪痕難留。水影空悠悠。世事皆如此。世人多煩憂。孔席不暇暖。墨翟不肯休。百年歸山邱。營營果何求。高臥羲皇侶。無思亦無尤。勸君毋勞苦。樂性任優遊。

無錫徐唯我

若個清才何處求。暇來不作稻粱謀。風花雪月皆資料。慷慨淒涼盡應酬。莫道傷時吟楚些。敢將詠志說吳謳。（曾記昔日正雅同志吟詠解凡社長有吳謳之稱故云）我從杜牧疏狂慣。只羨多君福慧修。

題詞補遺

文友盡緣工詩詞。善小品。雖啼笑怒罵。而皆成文章。今夏盡緣有雪爪水影錄之刊。屬題於余。不得已學步邯鄲。調寄夢江南以應命。

文字美。巧妙在詩詞。雪爪生龍傳筆底。清新水影寄哀思。也是一情痴。
二三，五 青萍

盡緣按：此題詞爲亡友青萍所賜。讀之黃壇增痛。不能自己。更爲雪爪水影錄。平添雪爪之感哀哉。

雪爪水影錄

雲間梨魂後身稿

秋感

跳擲雙丸如指彈。天涯匝地又秋寒。豈真世亂多才苦。轉爲愁
深入夢難。幾度戰爭悲故國。半生落拓悔儒冠。豆箕煎得河山
碎。還怕棋留一局殘。

埋骨成灰恨未休。怕從王粲去登樓。寒風撼壁驚酣夢。淡月窺
人動客愁。隨意飄零秋葉慣。超羣傲俗菊花修。撫摩髀肉蹉跎
日。咄咄誰憐似楚囚。

花月吟四律寄逸琴並示尙白龍傑

花開月下夜遲遲。步月看花有所思。花逐月明來院落。月移花

影泛瓊卮。舉杯邀月。臨花醉。擊鼓催花對月。痴惜此花香與月色。年年耽月醉花姿。

月正圓時。花作薪。天教花月兩難親。鏡花水月皆成幻。缺月殘花不見春。月落露憑花滴淚。花零雲替月裝顰。傷心花月渾閒事。月夕花晨恨煞人。

春宵花月兩相妍。月自光華花自鮮。月照深閨花正好。花開小院月初圓。探花月下三生約。望月花間一線牽。留得月明花豔住。吟花傍月厭神仙。

春花秋月不尋常。月魄花魂幽趣長。月下行吟花作伴。花間酌酒月添涼。窺花月帶輕浮態。映月花成綺素妝。羨却今宵花月

好。願從花月過春光。

題玉梨魂

尋春杜牧悔遲遲。零落鉛華絕世姿。只爲憐才傷不遇。梨魂永惹後人思。

一別那知就斷腸。情絲寸寸費商量。恨天欲化愁雲補。願祝人間歲月長。

投筆從戎作武人。情關跳出又成仁。沙場壯死酬知己。不愧男兒七尺身。

埋香身世感同情。紅粉而今獨讓卿。雖許相如酬夙願。梨花操節太堅貞。

桃僵李代費沈吟。不負相知一片心。還恐個中人未忘。書成絕命寄情深。

一枝木筆纔嬌春。誰道罡風孽雨頻。賺盡千秋兒女淚。幾番無語意酸辛。

書憤

誰懷痛飲到黃龍。忍看江山木屐蹤。守土不留半點責。將軍正在作奴容。

濁世眞才泣路窮。羣將胯下待英雄。丈夫應具臙脂氣。方受人間熱烈風。

野鶴

生平不羨乘軒貴。跌宕空山獨忍飢。梅樹荒烟邀月守。松陰黯
淡逐雲歸。少時出世心偏遠。老去依人計總非。笑彼枝頭嬌小
鳥。紛紛爭觸網羅飛。

賀周栩蝶新婚

瑤台柳絮才。冒雪一枝開。栩栩莊周蝶。鴛鴦夢裏來。
撮合自由神。此生證夙因。花開相並蒂。休羨畫眉人。
豔福幾生修。良緣萬古秋。神仙同謫下。妒煞是牽牛。
容貌足魂銷。人間一阿嬌。神仙成眷屬。佳偶世難招。

唁張君解凡悼亡

合歡花作斷腸花。奉倩傷神恨倍賒。自古多情同一轍。應知天

意莫須嗟。

死別生離頃刻中。良緣轉眼忽成空。閨房凌亂今休理。覩物思人儘有同。

玉殞空房寸斷腸。悲歡離合太無常。中途拆散鴛鴦侶。世事都如夢一場。

地老天荒永感恩。餘情直欲叩天閭。一篇文字傳千古。人世平添不死魂。

題花月痕

才子何如豔福無。紅顏憔悴愧眉鬚。拚將一死塵緣盡。留待千秋情侶吁。惜玉自應追寶玉。遺珠豈僅是痴珠。血花稗史性靈

筆博得騷人淚眼枯。

風流絕代似袁枚。落拓并門信可哀。杜牧傷春多豔遇。信陵失意伍蓬萊。秋心院古情難滅。春鏡樓高境倚偎。從此書中人屬我。憂愁也合得良媒。

唯我寄示裸體美人圖戲題一絕句

妙筆描來色相身。曲線美貌入時新。狂郎見後想思甚。圖畫如何認了真。

竹

風雨蕭蕭暗自驚。誰憐孤館太淒清。多情個個牕外葉。似向人前低下。

不隨桃李競趨時。此內空空無所思。敢是參禪能解脫。任他凡卉鬥妍姿。

品節清高世罕侔。一生差足傲王侯。年年歷盡風霜裏。知己欲推王子猷。

虛心俗世矢堅貞。江左風流本有名。直節欲驚時下輩。化龍指日又冬榮。

冷落自甘守比身。不隨桃李逐妍春。老來方傲媚人柳。笑看顛狂化作蘋。

堪從流水說真情。孤館淒涼夢不成。出世早丟名與利。蕭蕭風送斷腸聲。

寄慰個人

身世茫茫對鏡羞。逝華又是感深秋。青衫此日言憔悴。紅葉何年出御溝。夢到好時醒最易。事逢快意去難求。嬌容處處宜珍愛。吾得成名願自酬。

懷寄飄零客

詩詞更比女兒柔。寄跡江湖志未酬。自選文章空四海。同人和作壽千秋。情如寶玉甘超世。境似仲宣怕上樓。愧我年年程卓守。羨君何術得依劉。

國事蜩蟬吾道非。茫茫人海作雄飛。從戎自是班超志。復古任憑胡適譏。知己不妨形迹脫。多情每與素心違。傷時一副新亭

淚洒到雲間我也揮。

蝶相贈詩韻一部戲答二絕

平仄無端感歲華。東塗西抹愧籠紗。打油詩本輕浮甚。全仗性靈二字遮。

我筆年年只寫愁。有生已度數春秋。吟懷盡是虛名得。詩韻何須辨未休。

初夏

四月方添日影長。一春花事費商量。遣懷最是芭蕉雨。陪我愁人哭幾場。

懷贈雙呆

鄉里馳名日。詩歌自一家。黃庭書正秀。白雪句堪誇。一別長成別。人遐室亦遐。登高遙悵望。咫尺勝天涯。

答唯我迷懷一律用來韻並示其夫人雙修女士

羨君得句便傳箋。想見豐神正妙年。應是疏狂追杜牧。那堪詩酒讓青蓮。雄心欲破長風浪。逸興難尋雲雨仙。際此未酬壯願日。我儕只合美人憐。

薜蘿

點綴秋光籬落邊。黃花晚節自年年。笑他桃李顛狂甚。只愛春風二月天。

嶺梅

雪壓霜欺百鍊身。家風羞煞熱中人。幾枝庾嶺回天力。開到江南始是春。

牡丹

冷落休教一例看。時衰隱跡小欄干。此番不上洛陽去。飄泊誰憐是牡丹。

壬申冬館於金山何氏友人徐錚女士來詩承詢近况謹

依原韻賦答二絕

一冬時節夜如年。寂寞欣逢尺素賤。爲恨客牕無韻事。頑童陪坐過寒天。

思人一日勝三年。難得今朝又見賤。同是無聊同作客。莫教冷

落雪中天。

有憶

秋水伊人欲斷腸。江頭怕看戲鴛鴦。相思海樣難消去。併與離
愁日日長。

往事飄零蘭絮因。墜歡如夢夢如塵。深情一縷春懷積。芳草天
涯倍苦辛。

元旦感懷

佳節年年恨裏過。閒來只自拜維摩。歲更應許添人老。體弱當
深疾病魔。好學不同杜預癖。時衰欲奮魯陽戈。常存攬轡澄清
想。斫地豪吟特別多。

暮春

幾番風裏落花天。狂蝶戀春絕可憐。最是韶光容易過。冶遊到眼卽成煙。

王師傑士贈醉書室一家言三編用賦此章以寄

芸牕化雨別年年。金玉詩牋信口傳。善誘而今憑此筆。一家言已到三編。

閱紅樓夢後信筆題此

公子多情豔福修。繁華只合說紅樓。瀟湘死後無知己。十二金釵不足酬。

題巾字字發哀歌。將盡姻緣奈若何。絕粒焚詩拚一死。痴魂應

不忘哥哥。

情魔偏比病魔深。淚漬斑斑直到今。眷屬未成心已印。衆香國裏一知音。

是鄉終老只溫柔。寶黛性情膠漆投。恰似西洋真戀愛。家庭牽制最堪愁。

落花二律次醉花女士韻

轉眼繁華轉眼空。普天滿佈可憐紅。封姨肆虐難逃劫。造化忌才播弄功。血淚斑斑驚客裏。塵緣草草逝駒中。餘生此日多煩惱。文士紅顏薄命同。

來是無端去是空。庭園處處泣殘紅。三生蝶夢罡風促。千里人

迷細露功。不定行踪。春暮嫁。無常禍福。夏雲中。離枝退想。應無怨。造就花天。歲歲同。

題桐蝶近著擊楫吟草

新編直欲步江淹。好句如珠四美兼。脫手成篇泉萬斛。匠心獨運士千霑。書生午夜聞雞舞。肉食當今賣國添。擊楫原同吳直筆。憂時末俗作針砭。

新柳

東風剪出小蠻姿。初嫁豐神勝往時。嫋嫋垂條容易綠。陌頭偏挺最高枝。

記取垂條拂面輕。春風有意速裁成。欲他催促離人別。黯黯銷

魂百感生

嫁得東風識得愁。一生諂諛最堪羞。細腰只管迎風折。時下而今習俗收。

哭神交侃之社兄

忽然瘦盡沈郎腰。紅雨桃花點點飄。地下遽添高士伴。人間羣歎失同調。白頭期望心方切。黃口無依眼尙驕。傳聞其子不與俗人交一言。斯疾斯人天太惡。一肩重擔付誰挑。

青衫報國貫乾坤。欲把強胡一口吞。馬革裹屍奇壯語。豹皮死後古來言。高堂誰省晨昏事。鄰笛吾傷血淚痕。遠道未能澆濁酒。黃壚增痛賦招魂。

叔度汪洋似水清。門庭學術各紛爭。多才多義冠朋輩。敢作敢爲視死輕。黃種如君能幾個。紅顏終日淚雙行。玉樓赴召修文去。文字商量繫我情。

訂交只在一年中。兩地相思況或同。情種生情成友好。病軀多病厄文雄。天何不許斯人壽。緣亦偏苛半語通。如料此生無一面。也應函札密郵筒。

無題

相逢不許便相親。月夕花晨思煞人。情似藕絲空宛轉。恍從畫裏見眞眞。

名花無主舊啼痕。寂寂春閨深閉門。一片柔情誰與訴。年年空

自憶王孫。

孤影寒衾夢不成。那堪生本是多情。淚痕常共吟魂散。枉讀關雎第四聲。

神仙不羨羨鴛鴦。夢到銷魂境亦良。兩字相思言不得。怕人爭議太荒唐。

景到嬌時人亦嬌。踏青步步足魂銷。若教紅袖聯知己。檀口香溫着意撩。

妾家宋玉隔牆東。兩兩含情一笑中。縷縷相思難面訴。幾番無語立春風。

三分羞態二分嬌。人在東家第幾橋。滿面柔情言不得。桃鑿陣

陣上紅潮。

人世浮沉直到今。情場博得幾知音。夢醒透識相思味。怕鼓求凰司馬琴。

好夢從來不久留。傷心福慧未雙修。關情最是花間蝶。只戀殘芳引客愁。

聰明最會惹情痴。曾記當時淚萬絲。鐵鑄九州成大錯。吟來七字了相思。

茫茫情海太無端。戀愛從教一例看。人定勝天天不管。姻緣簿本不相干。

迴腸百折總相思。剩有生花筆一枝。描盡情場諸苦緒。敢將長

恨譜烏絲。

風度人疑似老年。星星未染兩鬢邊。相逢不作溫馨夢。許是浮生已盡緣。

快刀斬不斷情絲。繭縛自身故故痴。蝶夢方回醒未易。傷春消渴病何支。

尋芳混跡花叢裏。心似遊絲百尺牽。再向荔牆遙悵望。並肩記取是何年。

割天磨劍吾何人。滄海屠龍願未伸。不愛黃金三百萬。洒將熱血澤斯民。

桃花

滿樹深紅間淺紅。武陵點綴十分工。一朝零落隨風去。過眼風光百感空。

青萍過訪用贈此詩

愧我虛名日。蒙君見愛時。清才擅小說。妙筆善新詩。失意情場後。當從名利馳。書生無一用。前進莫遲遲。

題西廂記

紅娘也是解風流。撮合功高世莫儔。才子偏逢傾國色。佳人漫愛出奇謀。西廂一月情無限。韻事千秋志亦酬。飛虎將軍恩最厚。干戈聲裏會牽牛。

月季花

桃李都無色。花從月月新。一枝春不老。應有解情人。

遊秦望山

望海相傳是帝秦。此山已度數千春。霸王事業成虛夢。杯土遺踪怕問津。眼界未從高處放。胸襟幾見迂翻新。吾來感慨憑空起。始信難爲亂世人。

赴松邈迓桐蝶於旅邸悉其將放泮遠遊口占此詩

我亦來松作暫遊。無端聚合應前由。今宵欲話長離別。絮語更殘怎肯休。

七夕獨步無聊仰望牛女二星感而口占書此

誰云太上已忘情。烏鵲填橋七夕成。牛女雙星未免俗。人間安

得不卿卿。

殘荷

挺出汗泥色更鮮。臨風荷葉各田田。自從翠蓋經霜後。聽雨倍饒九月天。

菊花

時衰備受苦酸辛。不愛繁華不愛春。莫笑無能邀富貴。遲開正待好精神。

紅葉飛時無好花。傲霜應許碧籠遮。休憐瘦骨支離甚。迴異同流自一家。

獨善爭傳梁父吟。管他霜雪兩相侵。鄰無處士陶潛節。白眼看

人直到今。

羞同凡卉。鬥時妝。瘦骨幾莖獨傲霜。金甲滿身威武態。時來終究不尋常。

九一八二週年

易幟旗翻別姓多。遼東拱手讓人何。事仇作父羣猴戲。敵愾磨刀亡國歌。城下訂盟應有恨。和戎妙計定無訛。而今失地休言復。只爲將軍醉酒渦。

簡師山樊煥如

風雨蕭蕭感索居。秋來別夢正愁余。等閒江北稱心印。猶憶雲間識面初。紅豆徒深思落月。綠衣偏少送魚書。文章爾我同雙

健。酬世與君共有餘。

逸琴寄示籬菊嶺梅二詩。顧而技癢。依韻和之。

和光晦跡遠人家。自賞幽芳品不差。只爲重陽修韻事。東籬纔
挺二三花。（籬菊）

一樣梅花在樹頭。先開詩興奪羅浮。才人應訝春歸早。百卉凋
零作小留。（嶺梅）

桃花源

誰言世亂已輸秦。國內紛爭日日新。大地龍蛇無樂土。欲尋漁
父問迷津。

桃葉渡

百歲駒光只爛柯。王郎自是會情多。揚州一夢豈容覺。話別當吟一曲歌。

醉白池觀菊展會賦此

移來傲骨陶家種。佳境驟增雪海堂。一自西風狼藉後。因此得句滿詩囊。

新浦潮日報創刊敬題一律

新聞事業賴經營。筆伐全憑絕感情。筏渡迷津化社會。舌司正義報蒼生。雞林增價雲間貴。太史敢言月旦評。他日輿論推領袖。浦潮一紙看風行。

重九天雨偶成

年年佳節付蹉跎。時到重陽更奈何。風雨滿城行不得。怕聽杜宇喚哥哥。

懷正雅諸吟侶寄示解凡夫婦

滿地西風滿地愁。蟲聲也似惜殘秋。無多快事隨年減。祇少捷才對客羞。蝶戀餘香因失意。人逢俗世慣沉浮。劇憐文字神交友。是誰攘臂得封侯。

病中口占

忽寒忽熱境堪誇。爲怕枝頭競着花。儂病醫家偏識透。方宗玉女奈人遐。

感懷

楊柳無情綠。人間生氣新。蹉跎悲白髮。任俠好精神。狂放今猶昔。傷心世勝秦。豺狼當道住。安肯戀吳莼。

憶春

最是繫情說綠楊。當時大塊盡文章。嶺南多少相思子。惹起啼鶯別後忙。

傷春

樓臺隱約好風光。一片豔情別樣裝。廿四番花何處去。成蔭怕說杜公狂。

留春

黯然柳絮隨風去。挽得春光能幾時。更有一般媚蝶在。難將落

葉上高枝。

送春

東風吹老百花天。紅綠競飛景也妍。枝上杜鵑無賴甚。春歸傷別一年年。

小詩一首代簡示立權兄於南京

年來老友感晨星。爾我交情比鶻鶻。倘許首都謀駐足。此生聊免作青萍。

贈古吳張解凡社長

壯志超羣才亦高。古吳張子人中豪。江南無我唯君秀。天下英雄汝與操。

紙鳶

得意逍遙日。春光明媚時。青雲步步上。全仗好風吹。

二十書感

忽然有我亦前因。轉眼年華便已陳。無諂自期新社會。有心誰識過常人。似夷高傲難安俗。不惠同流怕染身。孰把監門圖繪進。中原遍地盡流民。

驀地髭鬚頰下生。年來事事到秋驚。微才也抱英雄志。弱力難留不世名。未必能詩窮竟久。端因憂國死方輕。壯懷那肯呼天問。仗劍須將日月更。

不夢邯鄲夢細腰。鍾情魂已幾年銷。看來道德全虛幻。除去美

人只有驕。堪笑讀書過未補。休嗟投筆意無聊。他時若遂凌雲志。金屋定都藏阿嬌。

吾正乘風破浪時。聞雞時下咸驚痴。愧無隻手除奸力。剩有一腔傲世詩。遭忌俗人方絕俗。同憂知己纔相知。宇文諂與彭孫諛。差喜此身不染之。

讀雪鴻淚史

同是天涯淪落人。一朝相見便相親。欲求名教無譏我。怎奈情絲纏住身。玉殞香消成底事。移花接木總輸真。三生石種離奇果。留與人間說後因。

奇緣定許種三生。不爲葬花所造成。惹恨本來推識字。誤人到

底是聰明。劇憐解語花雙折。徒博傷心淚萬行。卿自殉情儂死。
國沙場那敢矜虛名。

才子佳人信有之。傳情幾幅斷腸詩。閨中膩友能全志。客裏書
生轉忘痴。雖覓紅顏充李代。誓將碧血報相知。當年若效文君
事。司馬誰云不可爲。

霞飛梨名終悠悠。兒女今生福未修。情字關頭逃不了。孽緣只
合死方休。兩全妙策成虛願。千古憐才徒惹愁。未突禮防憔悴
死。傷心名教作鴻溝。

傑士夫子又贈一家言四編更寄此詩

夫子醉書擅寫詩。年年百首絕瑕疵。豪才應許青蓮愧。人地輝

映醉白池。

哀齊元侄

啼哭嬌音何所之。曇花一現惹人思。滿期長大光門第。詎料童孩厄白眉。忍看遺容驚是昨。怕聽名字費猜疑。聰明到底原非福。教我如何不淚垂。

松行舟中見傍坐一對情侶。娓娓談愛惜別。黯然戲吟此以紀其事。

今日乘船有耳福。嬌音情話一聲聲。看來也似傷離別。待到無言淚眼盈。

自題小影

非儒非俠亦非仙。虛度浮生二十年。諷世文章悲忌諱。填胸塊
磊憤難宣。疏狂消得愁千丈。落拓猶餘詩百篇。輟鐫任他燕雀
笑。雄飛定欲亂蒼天。

蓮花

挺出淤泥不染埃。淩波紅白淺深開。芳容自比六郎面。誰賞周
家君子才。

寄鈕長耀

遙仰清暉渴念生。停雲唱罷最關情。勸君毋惜如金墨。時寄佳
音一二行。

道德文章我欲師。恨無椽筆紀勳詩。誰憐繞樹求巢鳥。敢乞上

林借一枝。

呈吹萬夫子索書

夫子法書抗顏柳。大江南北延聲譽。筆鋒下插驚神鬼。精氣上
冲凌太虛。婀娜雄渾千載寶。文章道德萬年餘。我今愧乏紅
換。敢乞黃庭一卷書。解凡曰原稿中間四句均太輕浮
今則完全改去亦覺呆澀愧甚

豔曲

溪畔浣紗女。如花能解語。莫負賞花心。願營金屋貯。
金屋暖生香。有女顏如玉。不羨雙鴛鴦。笑看楊妃浴。

暑夜與逸琴特子納涼惠農橋戲成

炎威鎮日感無聊。沉李浮瓜暑未消。莫道納涼隨處可。招風我

愛惠農橋。

不須帖請不須邀。景夜黃昏人滿橋。該是亭林避暑地。更餘豔福看苗條。

寄張可公

世態翻雲覆爲雨。閉門鎮日不相關。干時懶上大人賦。樂性偏從木石頑。兩部鳴蛙勝作吏。半頭雜髮急求閒。思君椽筆文壇霸。狂語休教一例刪。

送別

楊柳垂垂老。長條攀折無。勸君多進酒。此去誰提壺。

呈常熟曾孟樸先生

宵分劍匣復書囊。孽海花開態更狂。疑難得蒙勞指點。願從桃李謁門牆。

前身許我是長康。小楷簪花遠寄將。仰止高山縈夢寐。長江滾滾比文章。

與憬然等遊醉白池口占並呈傑士夫子

雲間推勝景。古跡惹人思。白傅風流杳。王師逸興馳。蒼蒼驕樹色。颯颯好風吹。呼伴消愁日。遨遊醉白池。

逸琴赴泗任縣政用吟二章以壯行色

離鄉背井路迢迢。魂渡江南夢也遙。憂國文章憐屈子。傷時壯志憶班超。吟來詩句同心意。望去征塵帶酒澆。敢卜君懷都愛

熱途中不怕太陽驕。

長日正吟雪藕時。此行一別最堪思。鵬飛今日傳名字。鴻志他年好譜詞。前路莫愁知己少。天涯爭恨識君遲。宰鷄試用牛刀割。折桂須攀最上枝。

七夕

人間今日正新秋。地久天長悠復悠。烏鵲填成橋一座。銀河放彩映雙儔。深閨此夕悲無限。遊子他鄉應有羞。瓜果安排爭乞巧。一年一度羨牽牛。

青萍自殺書此哀之

身世自戕最可憐。無端解脫亦參禪。來沙藥水消愁物。此去人

間作散仙。

荊棘滿途可奈何。傷心我亦淚痕多。雪泥鴻爪都成幻。平地風波起愛河。

閒緒

風雨樓頭百尺桐。情懷都付不言中。等閒寫就鴛鴦字。笑促郎猜兩頰紅。

碎蛩何事惹新憂。滿地落英不自由。愁字剪開誰遣得。定教夫婿不封侯。

九一八三週年

逐鹿中原夢正酣。人刀我肉亦心甘。滿朝木偶尸餐慣。若個人

兒可說男。

無題

桃葉渡頭流水清。桃花人面不分明。多情更比蓮心苦。豔福還輸蟬翼輕。爲報春殘驚好夢。直追松古矢堅貞。羨他劉阮天台路。願乞雲英手上擎。

重門深鎖小橋東。無計尋芳惜也窮。崔子隔年花是舊。杜公十載樹龍蔥。相逢應有遲來意。詩贈愧無好句工。人爲富驕眞濁物。如卿女界堪推崇。

長耀來書慨允介紹枝棲詩再寄之

醉鄉終老學劉伶。歇浦潮聲夢裏聽。酬世及時頭未白。隱居守

拙眼猶青。知君雅有千秋鑑。愧我才微一點螢。季布言行憑片諾。分光應到子雲亭。

梧桐

一葉能占氣候先。凌霄直欲抱雲眠。綠陰高處深藏鳳。隔絕人間斷俗緣。

中秋對月

捉來如在手。望去恰當頭。今夜十分月。人間一半秋。玉輪天宇潔。金粟竹亭幽。都是團圞境。光明遍九州。

贈吳達時

君誠慷慨士。絕俗與人殊。落落無城府。應同君子儒。

寄莊蝶盒

相量舊學未心灰。何幸蒙君採菲才。長夜夢中常覓路。早春欲
寄一枝梅。

落花

子規啼出一聲聲。歸去應憐天不情。燕啄新泥營舊屋。蝶傷小
別賦長征。嬌人紅雨佈愁景。刻骨殘春訂後盟。纔過東家又西
去。落花時節正清明。
點點隨風不自由。羣花爭爲暮春愁。色香猶在墮身上。潦倒偏
追過客舟。啼鳥無情飛上谷。馳輪有意委深溝。此生休問浮生
事。來復何須怨未休。

開到荼花不算春。爭同柳絮證前因。隨風自可更隨水。落溷何妨復落茵。只爲飄零驚好夢。轉多恩愛誤情人。枯榮造化循環事。不必歡愉不必嗔。

虞美人

地劃鴻溝作戰場。漢家霸業幾滄桑。美人魂化原頭草。永感承恩作楚妝。

呈常熟徐枕老用來韻

先生海內傳名字。二十年華卽著書。亦步亦趨猶落後。應憐吾道日空虛。

學步當憑先進扶。謬將魚目混明珠。獨彈下里巴人調。身世淒

涼聊免孤。

梨魂人世爭奇筆。淚史虞山文字光。夫子令名許壓首。無殊佛已得金裝。

過譽偏羞吾不倫。雕蟲小技也何尊。暇來自寫遣愁句。識字而今事事冤。

贈大光明社長俞維賡

相見時難感不禁。停雲情比古人深。何郎傳粉豐姿美。董子立言濟世心。遇我應傾文舉酒。除君不鼓伯牙琴。茸城魑魅憑犀照。教育更須痛下箴。

冬日書懷

文園善病感蕭齋。熱血從教與世乖。剩欲逃禪生是寄。端須荷
鍤死便埋。不辭酒苦頻澆恨。應許蔗甘境轉佳。六翮奮時會異
俗。補天事業待安排。

閉門獨坐靜如僧。世事而今謝不能。無地可居書爲友。有山堪
隱酒相朋。成羣宵小同濟惡。破碎河山待復興。我是怕親名利
者。齊天雲路懶攀登。

雪

一夜北風狂未收。漫天飛白滿征裘。崎嶇世路都填到。破碎金
甌補得否。

贈周小光

文字結因緣。蒙君贊賞偏。神交方半載。函札幾經年。精詣歧黃術。暇吟太白篇。法書功力到。兩絕也堪傳。

除夕

朔風急景催人老。得失窮通莫問天。今日匆匆抵一載。酣歌漫詠到明年。

顧盡緣啓事

查本書未出版時即有相識諸君前來函索面索以情而論盡緣本當一一奉贈以副雅望何如年來文字交

多實無餘款作廣贈之舉除諸親友好各贈一冊以誌紀念外餘則欲閱本書概望照價購買倘有索送恕不遵命用佈區區尚希 原宥

香豔
小說

作 傑 緣 盡

即將
出版

句句
風流

史豔湖亭

回回
豔香

- | | |
|-----|----------------------------|
| 第一回 | 姊妹懷春鰥鵲一箇
祖孫繼豔半代受三拳 |
| 第二回 | 庸醫送命筆如刀
蕩子銷魂春不老 |
| 第三回 | 講愛談情金西蓮快暗面首
神喪膽落沈東庭大吃臉光 |
| 第四回 | 方顯英雄被縋權充壓寨夫人
裏子秀花活像叩頭公子 |
| 第五回 | 脫險歸來頓開情竇
芳踪到處忽起醋波 |
| 第六回 | 梵宮幻作桃源境
學校竟成秦劫場 |
| 第七回 | 黑頭裝腔作勢
長脚狐假虎威 |
| 第八回 | 土劣霸選政有女食報
淫娃結衆緣無人非夫 |
| 第九回 | 白光湯熱讀性史
金瓶周活現春宮 |
| 第十回 | 野鴛鴦優哉遊哉
肉屏風仙乎死乎 |

人其有確事其有確：處實寫

看史近湖亭作好

月水如虛樓屋似幻：處空憑

談語野東齊當可

北平 松江 城林 內重 新文 大光 書社 同社
00274

編後記

當今時代變遷。學者倡言非古。古詩落伍。幾成確論。故此書之印。遂欲行復止者。再。雖然。論語燒薪。太玄覆瓿。失時之鳴。有誰肯顧。是則余以能得見余書之下紙籠爲幸矣。

是書出版。承海上文學大家許月旦先生等諸名流。寵錫題字。盛情可感。惟均未及製版。當俟再版刊出。用特預告。並誌歉忱。尙有蝶盒兄所賜題詞。偏尋無着。致無從排印。所有諸友好下賜題詩題序。尙在郵寄。而未及排入者。容刊再版中。

此書再版時。刻已聘請海門名士沈雲鶴先生代爲校閱。而題序題詩。老名士吳東園等均在徵集中。預卜更可精采。

各地名醫一覽表

幼科徐是聞	住金山東市馮家庫
外科于蓮峯	住松江亭林鎮南街
女科駱幹臣	住松江西門外長橋西 電話二一四號
內科周小光	住青浦章練塘鎮中市
內科翁希定	住松江亭林鎮附近 玄壇廟
幼科邱義質	住松江亭林鎮南街
內科錢雙呆	住金山張堰鎮附近 錢家圩
內科顧龍傑	住松江亭林鎮東街

雪 爪 水 影 錄

著者	作	者	畫	錄
印	刷	者		社書風大

此書版權者自有

全一冊 實價二角

民國廿五年二月初版

代售處：本埠各大書局

82
10/027